

四庫全書

集部

欽定四庫全書

宋詩鈔卷六

內閣中書舍人吳之振編

張詠乖崖詩鈔

張詠字復之濮州鄆城人舉進士知崇陽縣歷官樞密直學士知成都益州禮部尚書其治績多在蜀中具載史傳剛直自立智識深遠有澤被天下之心尤博典籍雖卜筮醫藥種植之書無不精究自少得劍

術無敵于兩河間善奕碁精射法飲酒至數斗不亂
惡人諂事不喜俗禮因自號乖崖子寫真自贊曰乖
則違衆崖不利物乖崖之名聊以表德嘗訪三峰陳
希夷搏搏顧謂弟子曰此人于名利淡然無情達則
為公卿不達則為帝王師其為高人推重如此幼與
青州傅霖同學霖隱不仕詠既貴求霖者三十年不
可得晚自金陵造朝論丁謂王欽若出知陳州一日
霖忽來謁閣走白詠詠訶曰傳先生吾尚不得而友

汝敢呼姓名乎霖笑曰是豈知世間有傳霖者詠問
昔何隱今何出霖曰子將出矣來報子爾詠曰詠亦
自知之曰知復何言翼日辭去後一月而詠卒贈右
僕射謚忠定詩雄健古淡有氣骨稱其為人其與傳
山人詩云寄語巢由莫相笑此心不是愛輕肥足以
見其志也

悼蜀四十韻

蜀國富且庶風俗矜淳薄奢僭極珠貝狂佚務娛樂虹

橋吐飛泉烟柳閉朱閣燭影逐星沉歌聲和月落鬪雞
破百萬呼盧縱大噱游女白玉璫騎馬黃金絡酒肆夜
不扃花市春漸作禾稼暮雲連紈繡淑氣錯熙熙三十
年光景倏如昨天道本害盈侈極禍必作當時布政者
罔思救民瘼不能宣淳化移風復儉約情性非方直多
為聲色著從欲竊虛譽隨性縱貪攫蠶食生靈肌作威
恣暴虐佞罔天子聽所利惟剝削一方忿恨興千里攘
臂躍火氣烘寒空雪彩揮蓮鰭無人能却敵何暇施擊

析害物黷貨輩皆為白刃爍瓦礫積臺榭荆棘迷城郭
里第鎖苔蕪庭軒喧鳥雀斗粟金帛束蜀綺羅博悲
夫驕奢民不能飽葵藿朝廷命元戎帥師盪兇惡虎旅
一以至衆巢一何弱燎毛焰晶熒破竹鋒熠爚兵驕不
可戢殺人如戲謔悼耄皆麗誅玉石何所度未能剪強
暴爭先謀剽掠良生計空餘死心愁隕穫四野構豺狼
五畝孰耕鑿出師不以律餘孽何由却鄙夫識蜂蠆寡
術能籠絡邊郵未肅清何顏食天爵世方尚奔馳誰復

振騫謬黃屋遠萬里九重高寥廓時稱多英雄才豈無
衛霍近聞命良臣拭目觀奇略

勸酒惜別

春日遲遲輾碧空綠楊紅杏描春色人生年少不再來
莫把青春枉拋擲思之可不令人驚中有萬恨千愁并
今日就花始暢飲座中行客酸離情我欲為君舞長劍
劍歌苦悲人苦厭我欲為君彈瑤琴淳風死去無回心
不如轉海為飲花為幄贏取青春片時樂明朝匹馬嘶

春風洛陽夜發胭脂紅車馳馬走狂似沸家家帳幙臨
晴空天子盛明君正少勿恨功名苦不早富貴有時偷
閒強懽笑莫與離憂賈生老

贈劉吉

天地有至私劉生與英氣學必摘其真文能取諸數咄
回堯舜天聒破周孔耳通塞不知我要在觀生意居危
不苟全憑難立忠義

仕江南偽主指斥姦佞
曰果信是人國將亡也

歸國有名

賢天子聞之喜倒海塞橫流掀天建高議

治黃河有功
議邊將不才

廷辨大
臣阿諛

冒死雪忠臣

証楊業忠亦諱言
為奸臣所陷

警言警貴侍

重指中
貴弄權

四海多壯夫望風毛骨起如今竟陵城推司茶菽利鶴
情終是孤仁性困亦至勞勞憂衆民咄咄罵貪吏方期
與叫闐此實不可棄如何不自持稍負纖人累酣歌引
酒徒亂入垂楊市狂來拔劍舞蹈破青苔地羣口咤若
奇我心憂爾碎請料高陽徒如何東山器請料酒仙人
何如留侯志去矣留跋江深心自為計

寄晁同年

昔同白日昇穹碧還同水國司民籍三年不見頻寄書
兩月相過忘行役桃花江上雪霏霏黃鶴樓中風力微
幽勝逼人魂欲飛此時不醉無與歸人間美事應有主
別馬蹄霜邊塞土南樓一望心淒迷昨夜疎簷滴寒雨
休誇筆力敵真風勿憶雲山千萬重但遇西風一行鴈
殺青相問莫辭慵

與進士宋巖話別

人之相知須知心心通道氣情轉淡凌山跨陸不道遠

躡僑佩劍來相尋感君見我開口笑把臂要我談王道
幾度微言似愜心投杯著地推案叫此事置之無復言
且須舉樂催金船人生通塞未可保莫將閒事縈心田
興盡忽告去挑燈夜如何彈琴起雙舞拍手聊長歌我
輩本無流俗態不教離恨上眉多

縣齋秋夕

才薄難勝任空銷懶惰情公堂羣吏散苔地亂蛩聲隔
歲鄉書絕新寒酒病生方今聖明代不敢話辭榮

登黃鶴樓

重重軒檻與雲平
一度登臨萬想生
萬鶴信移煙樹老
碧雲魂亂晚風清
何年紫陌紅塵息
終日空江白浪聲
莫道安邦是高致
此身終約到蓬瀛

登麟州城樓

莫問戎庭苦高欄
是夕攀時清官事少
邊靜戍人閒
雉堞臨寒水
穹廬倚亂山
皇恩正無外
不擬更移還

再任蜀川感懷

官職過身髣已衰傍人應訝退休遲從來蜀地稱難制
此是君恩豈合違兵火因由難即問郡城牢落不勝悲
無煩苦意思諸葛只可頒條使衆知李順劉幹王均十
年三亂蜀人人思
得諸葛亮遇離亂提一旅之兵平定川陝此非宏才異
略則不濟也方今天子仁聖國富兵強只宜馭遠寬平
之詔禁暴刑殺之
令不半年自整爾

每憶家園樂蜀中寄傅逸人

每憶家園樂名賢共里閭劇談祛夜瘧

開寶中與傅會
于韓城終夕談

話諸鄰病瘧
皆云不發

幽夢驗鄉書

每發家書
傳必先夢

漸老性情嬾隔年

音信疎終嫌累高節不得薦相如

淳化末余直省密使人誘傳意勉之仕進

傳以為薦已是相汚也虛名何濟遂止

送趙侍丞罷秩游青城山

公餘長閉目只是老心情聞道尋山去連忙出戶迎
好峰須到頂靈迹要知名迴日從容說余將少解醒

金陵郡丞述懷

傍人往往羨清途野逸情懷亦自扶官舍四邊多種竹
潮溝一面近生蘆病嫌見客低徊甚老覺臨官氣味粗

不信浮名是身累有時間撚白髭鬚

郡齋書情寄仙游張及

老去慵仍甚榮名舊日疎又因經歲病不答故人書
閑閣僧歸後看山吏散初何因論心跡之子最相於

遊趙氏西園

蜀中春豔世間疎北並陳園恐未如數里花光浮暝日
六街塵淨見香車翻空雅樂催歡處入格新詩上板初
方信承平無一事淮陽間殺老尚書

寄田錫舍人

當年心計此心知，忽忽逢人亦自疑。
枉是憂公生白髮，有何長略謝清時。
林僧已怪抽身晚，朝侶猶嫌到闕遲。
多喜通規識幽抱，路遙無處寄相思。

寄郝太冲

閒愁休問意休疑，此事關身合再思。
心靜易求長世法，氣狂難與少年時。
新編到底將何用，舊好如今更有誰。
猶憶公堂秋會否，遶窗寒竹夜風吹。

送別蘇寺丞

公身多不定何路慰飄離
莫以微言合苦將幽思悲
山程朝醉少雪屋夜眠遲
即問逢春約芳菲折贈誰

送馬道人歸天台

逢山長欲便辭榮
見說天台益自驚
絕頂要歸終久住
此時無計伴師行
囊攜出藥身難老
路接仙橋眼更明
莫笑官途滋味薄
五湖曾有片帆輕

歸越東舊隱留別秦中知己

客亭楊柳葉初殘，歌咽秋空慘別顏。
吟愛好峰歸越路，醉衝寒雨出秦關。
煙蘿庭戶重樓倚，漁浦人家舊往還。
縱使功名無分得，免教心在怨尤間。

郊居會傳逸人

久客倦驚魂，田居乞暫安。
義寧忘力學，貧要奉親歡。
枕外河聲老，門前野色寬。
支流狂繞砌，叢葦品當欄。
書葉招鄰彥，扶筇話肺肝。
吟懷難契遇，醉語動辛酸。
隱几歲時變，凭軒雷雨殘。
致君須有分，會此擲魚竿。

再會傳逸人

分到知心死不輕幾年曾是愴離情
微風吹雨雁初下落葉滿階蟲正鳴
燈靜苦嫌論劍略簾涼頻喜轉琴聲
從來共約雲泉老肯向人間占好名

貽傳逸人

少年名節動人羣避俗身居積水濱
幾為典衣留遠客半來欹枕看閒雲
門連酒舍青苔滑路近沙汀白鳥分
誰道無情活黎庶數篇新製詠南薰

郊居寄朝中知己

年來流水壞平田客徑窮愁自可憐汀葦亂搖寒夜雨
沙鷗閒弄夕陽天狂嫌濁酒難成醉冷笑清詩不直錢
碧落故人知我否幾回相憶上漁船

懷張白逸人

昔年吟社偶通隣常貴高風入格真名好已期天共歇
性孤翻與世無親梁園醉別花燒眼楚寺秋歸鶴伴身
從此幽懷不能說五湖煙月二京塵

訪人不遇

舊徑莓苔合兒童獸閉門踏霜歸遠店涼月照空樽雁
響兼葭浦風驚橘柚村知音在何處凝寂欲銷魂

舟次辰陽

昔賢勞苦為憂官我自無才欲忘餐鳴棹幾程灘勢惡
宿亭一夜雨聲寒村連古洞蠻煙合地落秋禽楚俗懼
雖指公餘便東下好峰猶得捲簾看

舟中晚望桃源山

仙山初指眼初明倚棹因妨半日程雲裏未忘尋去路
世間爭合有浮名崑空閣老松千尺天靜時聞鶴一聲
更謝暮霞憐惜別滿坡紅影照崢嶸

幽居

落花時節掩關初請絕江城舊酒徒滿屋煙霞春睡足
一谿風雨夜燈孤易中有象聞消息身外無求免歎吁
多謝高僧頻見訪欲迴流水又踟躕

旅中感懷

人世貪名豈是閒，幾回思算幾淒然。故鄉路遠不得信，
寒月夜來還復圓。霜趁悲鴻歸楚澤，風移殘燒下秦川。
莫言酒作銷憂物，更有新詩一兩篇。

新市驛別郭同年

驛亭門外叙分攜，酒盡揚鞭淚濕衣。莫訝臨歧再回首，
江山重叠故人稀。

晚泊長臺驛

驛亭斜掩楚城東，滿引濃醪勸諫慵。自戀明時休未得，

好山非是不相容

過華山懷白雲陳先生

性愚不肯林泉住
強要清流擬致君
今日星馳劍南去
回頭慚愧華山雲

途中

人情到底重官榮
見我東歸夾路迎
不免舊谿高士笑
天真喪盡得浮名

桃源觀

簷下山光砌下苔人間重遇眼重開舊林諸子休移誚
已許孤雲作計迴

雨夜

四簷風雨滴秋聲醉起重挑背壁燈世事不窮身不定
令人閒憶虎溪僧

簾幕蕭蕭竹院深客懷孤寂伴燈吟無端一夜空階雨
滴破思鄉萬里心

寄傅逸人

當年失脚下漁磯苦為明朝未得歸
寄語巢由莫相笑此心不是愛輕肥

闕下寄傅逸人

疎疎蘆葦映門牆更有新秋膾味長
何事輕拋來帝里至今魂夢遶寒塘

送別王秘丞

帝鄉三十年前別江外相逢鬢已衰
清論未窮行計速為君臨水立多時

送別李司直

亭下依微見遠村
亭中離恨若為論
數聲歌罷揚帆去
民吏相看有淚痕

送魏道士

江上蕭蕭木葉飛
天台狂客杖藜歸
莫嫌俗吏勤相顧
曾是嵩陽舊拵扉

答劉道人

嵩陽峰底洞中天
曾共浮丘對掩關
知道高閒少兼濟

折腰從此到人間

謝雲居山人草鞋

雲居山客草為鞋路轉千峰此寄來昨日公餘偷步躡
萬端心緒憶天台

聞鷓鴣

畫中曾見曲中聞不是傷情即斷魂北客南來心未穩
數聲相對在前村

宋詩鈔卷六

欽定四庫全書

宋詩鈔卷七

內閣中書舍人吳之振編

趙抃清獻詩鈔

趙抃字閱道衢之西安人中景祐元年進士乙科通判宜州以母喪廬墓三年孫處為作孝子傳召為殿中侍御史京師號鐵面御史進叅知政事已而求郡旋召旋罷英宗朝除龍圖閣直學士知成都蜀益治

神宗初召知諫院曰聞卿匹馬入蜀以一琴一龜自隨為政簡易亦稱是耶既與王安石議政不協求去除資政殿學士出外改越州致仕尋卒贈太子少師謚清獻詩觸口而成工拙隨意而清蒼鬱律之氣出於肺肝然其學多本于佛與濂溪為僚而不知改故亦不能卓然有所發揮也

題周敦頤濂溪書堂

吾聞上下泉終與江海會高哉廬阜間出處濂溪派青

深遠城市潔淨去塵垢毫髮難遁形鬼神縮妖怪對臨
開軒窗勝絕甚圖繪固無風波虞但覺耳目快琴樽日
左右一堂不為泰經史日枕藉一室不為隘有尊足以
羹有魚足以膾飲啜其樂真靜正於俗邁主人心淵然
澄徹一内外本源孕清德游詠吐嘉話何當結良朋講
習取諸兌

次韻江鉞都官涼軒

執已剛王性誰得同趣向涕唾無所藉歸居宅深曠左

右山林間巔屹立屏障坐期清風來未許酷日是高棚
立西軒密葉覆其上益為晚宇陰詎隔霞空望聖書樂
名教俗事絕塵鞅恬然寵辱驚足矣庭闈養下榻遲佳
朋盈樽倒新釀藥劑矜有靈神明助無恙賢豪重出處
詞句大奔放謂愚可與道緘遺俾酬倡忽如窮窘人獲
發金玉藏收儲篋笥光孰顧貪婪謗

留題劍門東園

劍州古要害重門搃開闔隄防兩川地喉吭此呀呷在

昔禦狂寇如朽施巨拉時平付良守一與公論合政成
治東園於焉解賓榻予方錦官去邀我置壺榼縱步車
馬休舉目蒼翠匝攄懷談笑喧傾車潺湲雜不春亦芳
菲匪風自蕭颯主賓飲興豪量海川酒納貳車臺中舊
題詩謂予盡默然極佳趣茲俗何以答

雙竹

余家有故園園中可圖錄天然一派根一根生兩竹一
長復一短比之如手足長者似乃兄短者弟相逐我見

人弟兄少有相和睦竹分長幼情人豈無尊宿將竹比
人心人殆類禽畜常記五六歲不見還啼哭及至長大
時妻孥相親族咫尺不相見相疎何太速不顧父母生
同胞又同腹旦夕慕歡幾能思骨肉枉安人髮眉而
食天五穀靜思若斯人爭及園中竹

寄酬蔡州王陶正言

自顧愚無堪老大何所用得郡江湖來一意雲泉縱驚
此西南身連夕東北夢乃知故人念許與明月共荆書

一紙賢季諾千金重寄我瓊瑤篇使得長諷誦寒松有
唳鶴高梧有鳴鳳何日謝知音為鼓商絃弄

贈陽安徐邁表兄屯田

少時所學苦食蘗日自強壯歲從宦清飲冰中剛腸陽
安百里地邈在天一方惠政不鞭扑期民樂耕桑念予
昨守賴與兄會家鄉兄今歲已滿余遽提蜀疆一朝此
邂逅五載忘參商且勿語離索易老驚鬢霜且勿較通
塞放懷把酒觴上方聖政新求賢坐明堂兄道足施設

兄志彌頡頑喜予外祖門從此生輝光

送周頴之京師

吾鄉伯堅真丈夫氣剛色強言詞疎胸中一物不使有
日儲月斂唯詩書布裘落魄韋帶緩權門不肯低眉趨
朋游累百誰爾汝人皆不與爭抑掄掩關啜菽苦意氣
冀環玉壁泥沙珠宣慈中山我孤處昨日走介遺吾書
書云詔下籲俊又父兄命頴之京都古人求養志擇祿
今而豈得逃馳驅肩書手劍出門去濟谷肯復兒女如

我聞此語涕交下人皆欲養繫我無羨子之為與道合
勸子亟往無踟躕明年得志拜堂上豈非人子榮親歟
順風呈范御史

濠州抵泗里數百長淮波平曉如席鳴輦解繹楊柳堤
畫船中有東吳客君恩得請許歸去聊治里閭去咫尺
歲窮天遠心欲飛念之汲汲事行役豁如天意適我願
號令西北起風伯初時淅淅以鼓動布帆尚留十幅窄
孤檣得勢安以平中流激箭巨浪擘棹橫櫓閣力不用

疾苦拏隼增羽翮瞥然兩眼瞬霎過木葉馳黃山走碧
孳舟月餘今自快一樽自歌兩手拍樽中酒空不自歌
順風好景如之何毗陵太守同此樂為言無惜新詩多

溪山晚目

幽花連徑發驚鳥避人啼雨過晴虹上風清走馬嘶灘
平魚艇穩村小酒旗低誰及山翁樂號呶醉似泥

村居

午寢忘譏刺閒居杜送迎雨泥雙燕下烟壠一犁耕座

八山光迴門連野色平吟餘仍兀坐誰與戰楸枰

曲館

日華烘玉甃烟縵亘雕甍棗熟房櫳暝花妍院落明醉
輕春有味夢短晝無情欲識惜惜意回文織已成

題九仙寺

墜果春三徑蒸雲晚一軒廊腰迴戰蟻山腹合啼猿泉
淡禽窺影苔深屐印痕自慚名利者聊免世紛喧

贈吉安院主

學佛之徒衆難能是向文唯師獨奇尚於我故殷勤詩
遇知音誦琴防俗子聞虛亭對明月長許到宵分

和何節判觀水

澄江抵練長極目路滄茫烟芷差差綠風荷柄柄香西
流終古恨南浦鎮時忙擬待傳辭意離人在楚鄉

歲暮感懷

早是窮冬逼那堪客思兼事嗟流水遠年愧入春添與
雪幸同採驚霜忽到髯晚舟前浦泊何處有青帘

寄任大中秀才

今我歲將暮，過撓鸚鵡洲。
憶君人少與，買舍澱江頭。
客路書多絕，吾鄉夢半遊。
明年誰到蜀，能寄好書不？

向晚

向晚立汀沙，人閒目更賒。
林疎僧屋露，風轉客帆斜。
幽白孤飛鳥，橫紅數抹霞。
漁翁偶相問，憐我宦天涯。

和戴天使重陽前一夕宿長沙驛

楚館夜衾涼，離人念故鄉。
遠吟只覺苦，歸夢不成長。
壁

有寒蛩怨鄰聞綠蟻香登高在何處明日宴山陽

春日陪燕會春園亭

為怕三春過因謀數刻狂醉輕欣射中歡甚惜歌長蹻
馬花間繫啼鶯柳下藏前旌歸去晚十里淡風光

和范御史初出都門

讀奏辭三院鄉榮領百城帝恩山嶽重臣命羽毛輕風
月隨人好江湖照膽清須公贈金玉光照重行行

和韻前人初出鑠頭

奏懇初無飾天恩亦重違一麾新命下兩漿故闕歸淮
木林林脫霜鴻陣陣飛賢朋詩酒樂行矣自相依

驚濤

路半狂飈起江心巨浪橫蒼忙舟子叫匍匐稚兒驚古
岸移時入新醪薄暮傾此宜無足道大抵似人生

題張果老洞

洞老壽松椿高名古絕羣亂山泉瀾瀾舉世事紛紛使
者持丹詔先生卧白雲方今莫招隱君德正華勛

次韻孔憲山齋

卷七

訟簡歲豐盈鈴齋竟日清窗排羣石怪簷擁遠山明古
木風千葉新髭雪數莖開樽向幽處餘論見文情

送范憲百祿赴開

泥書下紫宸公議協朝紳真主正圖治諫官今得人從
容陪國論憔悴恤天民大對如晁董公嘗素所陳

題靈山寺

我為靈山好登留到日曛巖幽餘暑雪鍾冷入秋雲篇

詠唯僧助塵煩與俗分明朝入東棹因得識吾文

送章岵少卿提舉洞霄宮

秘館紅塵外瑤京白日邊樽中不空酒琴面已無絃
曉上朝真閣春耕負郭田優游大自在何處更神仙

遊青城山

三十六峰峻維岷在蜀竒方行刺史部重款丈人祠
凍雪諸巖隔晴雲六面披訪山窮寶洞

山有寶仙第五洞昔投龍之所

勅

鬼覘豐碑泉落寒崖響籬依古木垂良工存舊筆

青城觀壁

悉孫知微名畫

老叟琢新詩

句符台示岷山集

陟險齊雙屐逢幽鼓七

絲盤桓不忍去還作更來期

書院

雨久藏書蠹風高老屋斜鄰居盡金碧一一梵王家

和范御史石倉晚泊

天迥旅懷濶風長野叫來

日暮江上輒數十人連續長歌人謂之野叫

滄波

清可愛先為濯京埃

憶信安五弟附

鵲殘鸚鵡洲邊過憶汝東吳住舊廬誦聖窮愁千卷外
覓官留滯十年餘也知失意能平氣底事多時不寄書
兄在松溪我荆楚別懷三處一欷歔

除夜泊臨江縣言懷

縣封蕭索楚江澄旅況吟懷冷似冰漏促已交新歲鼓
酒闌猶剪隔宵燈立身從道思無愧得路由機患不能
未報君恩踰四十青春還是一番增

寄里中親友

全宋詩卷之七
卷七
記得城南數刻懽，破懽為別淚闌干。
間關遠道初沿牒，寂寞長亭一據鞍。
郊外此時涼葉亂，嶺頭平日臘梅殘。
不辭頻寄南州信，草檄無功楮葉乾。

和人清明有感

湖外清明物態繁，曉林鶯舌鬬關關。
枉緣春意無時盡，自是人心不暫閒。
舊隱東君曾藉草，新官南郡亦登山。
滿頭花卉盈樽酒，且向東風一破顏。

勸學示江原諸生

古人名教自詩書淺俗顏風好力扶口誦聖賢皆進士
身為仁義始真儒任從客笑原思病莫管時譏孟子迂
通要設施窮要樂不須隨世問榮枯

初入峽

峽江初過三遊洞天氣新調二月風樵戶人家隨處見
仙源雲路有時通峰巒壓岸東西碧桃李臨波上下紅
險磧惡灘各幾許晚停征棹問漁翁

過嶺回寄張景通先生示邑下同人

卷七
二年官役愧能名賢得斯人幸合并幾度孝廉交郡辟
一生文行出鄉評君廬阜水江頭遠我馬青泥嶺頂行
西首胡為書以贈欲持同邑寄諸生

同萬州相里殿丞游溪西山寺

使君呼客入山行曉徑前驅照彩旌蠻女背樵巖側避
野僧攜刺馬頭迎千層雲水迷三峽一闕人烟認百城
樓閣憑餘清我聽竹風蕭瑟澗泉鳴

謁青城山

背城肩酒上青城雲為開收月為明觀宿有詩招主簿

劉絳詩約同遊

廬空無分遇先生

張俞出山

牆留古畫仙姿活石載

奇文俗眼驚却念吾鄉山亦好十年孤負爛柯行

寄永倅周敦頤虞部

君去濂溪湖外行倅藩仍喜便鄉程九疑南向參空碧
二水秋臨徹底清詩筆不閒真吏隱訟庭無事洽民情
霜鴻已到衡陽轉遠緒憑誰數寄聲

招運判霍交回轅

自邛之雅漸高丘所過從容盡勝遊白鶴山頭雲裏寺
金鷄關外雨中州公令南按蜀民瘼歲已酉成輟上憂
江濱荷花開似錦且同歸去採蓮舟

次韻王憲中秋不見月

一城歌管中秋樂薄暮樓臺六幕垂明月幸無虧損處
浮雲應有歛收時卿因表海今宵醉却起錢塘去歲思
有美堂前如白晝練鋪江面鏡鬚眉

次韻孔憲蓬萊閣

山巔危構傍蓬萊水閣風長此快哉天地涵容百川入
晨昏浮動兩潮來遙思坐上遊觀遠愈覺胸中度量開
憶我去年曾望海杭州東向亦樓臺

杭有望
海樓

再登亭偶作

氣象三齊古得名時登表海最高亭河源一水下青嶂
人物兩城如畫屏邑報有秋期俗阜守慚無術濟民靈
從來獄市并容地且向樽前任醉醒

再有蜀命別王居卿

穆陵關望劍門關岱嶽山連蜀道山自顧松筠根節老
誰令霜雪鬢毛斑離家敢謂虞私計過闕尤欣覲帝顏
叱馭重行君莫訝古人辭易不辭難

寄題劉詔寺丞濫泉亭

泉名從古冠齊丘獨占溪心湧不休深似蜀都分海眼
勢如吳分起潮頭連宵鼓浪搖明月當暑迎風作素秋
亭上主人留我語只將塵事指浮漚

過鐵山鋪寄交代吳龍圖

暫留山驛又晨興西望旌麾想舊朋三院筆簪曾對直
兩川兵印復交承年光頭鬢華如雪世態心情冷似冰
鏡上憑詩馳遠意青泥寒曉入雪燈

過左縣偶成

東南再守二年間

自杭徙青

徙蜀何須問險難入覲已違龍

尾道出麾還過鹿頭關與民共約三春樂顧我都忘兩
鬢斑歲滿乞骸何處好仙棊一局爛柯山

鈴兵王閣使素芳亭賞梅花

素萼清香並酒卮主人勤意囑留詩為逢蜀國新開日
却憶江南舊賞時春密未通桃李信臘殘都放雪霜姿
先公舊植亭欄外肯構重來見本枝

先司空鈐兵日始創是亭閣使復繼

其職是謂有子矣

次韻李元方即事

壯歲胸懷獨感時肯隨寒暑似民咨能思損益開長卷
任有閒忙不負詩趣句已為迂俗笑聲名須共古人期
茅齋寂坐生秋思無語西風夜月知

聞嶺外寇梗

驚說炎飈煙瘴時洞蠻蠭起寇南陲家書萬倍金難得

遠夢千迴路不知刺史沒身專捍禦

康州趙潛叔死敵

諫官銜

命救瘡痍

起居趙叔武出使

伏波死去今誰繼大筆銘勲壓海

涯

次韻程給事寓越廨宇有懷

越郡江南盡不如樂天流語信非疎人從瑣闥中間出
宅在蓬萊向上居言念玉符分鎮日却思瓊苑拜恩初

臨風又尋詩筒寄足見優游刃有餘

次韻郡齋偶成

兩火一刀名素勝十分雙澗地長靈賞心曾為乘華舫
好手應難作畫屏北海樓前千里靜南山天末四時青
蓬萊自是仙家景解使詩翁醉眼醒

武林即事寄程給事

乞得錢塘下九天徙從青社復三川坤維十往萬餘里
吳分重來七八年鑑水坐遙懷舊治柯峰歸晚愧前賢

東州賴有微之約曾寄詩筒遞百篇

七十隨緣豈有由樂天曾不厭杭州青山未隱如千里
白首重來又九秋月窟仙人遺桂子海門神物助潮頭
自慚老守無心力坐鎮吾民靜即休

有懷程給事

稽嶺樓臺直曠絕武林風物競豪華兩州對望音題數
一水中分會晤差

言到
越遲

東海渺茫排島嶼西陵依約露

人家元和賡唱今猶古此樂情懷豈有涯

次韻歲暮有感

歲月如流不用嗟
盛衰前定豈曾差
自憐覽照頭渾雪
猶喜觀書目未花
竺嶺兩曾逢落桂
龍山三見擷新茶
春元便欲休官去
誰顧杭州十萬家

次韻即事見懷

鑑水寬閒稱越國
河塘繁劇是杭州
蓬山君繼元丞相
竹馬予慚郭細侯
郡邑豐穰真可喜
人家飽煖更何憂
西陵隔岸無多遠
數上臨江百尺樓

清風閣即事

庭有松蘿砌有苔
退公聊此遠塵埃
潮音隱隱海門至
泉勢潺潺石縫來
夜榻衾裯仙夢覺
曉窗燈火佛書開
休官不久輕舟去
喜過嚴陵舊釣臺

有懷蔣堂侍郎

却憶東舟去若仙
津亭分袂忽經年
春風境上無多地
夜月湖中共一天
海閣坐觀濤擁鷺
山堂吟聽漏移蓮
新詩往復交情見
巨集成來已百篇

寄酬前人上巳日鑑湖即事二首

湖上初經上巳春水邊遙見碧蕪新輕舟競泛無涯樂
夾岸希逢不醉人厨醞旋芻浮蟻釀府茶淡點卧龍珍
詩筒往復余知幸垂老親仁得善隣

蓬萊高與卧龍俱位望兼崇似合符絃管夜聲傳井邑
樓臺春影蘸江湖休功即報募年政直節曾行萬里途
真是玉皇香案吏坐看歸去贊蘿圖

次韻前人蓬萊閣即事

蓬萊窗外曉光分夢覺初驚杜宇魂
但有吏供衙府喏
斷無人到訟庭喧濛濛宿靄開湖面
隱隱更潮過海門
一水兩州皆重鎮越清杭劇不同論

上天竺寺石巖花

對植齊開古梵宮欲求精筆畫難工
直將春占三旬盛
誰謂花無十日紅未羨山桃資客笑
且陪庭栢作家風
遍尋他處都無此寶殿前頭只兩叢

陪趙少師遊西湖兼簡坐客

絲管喧喧擁畫船澄瀾上下照紅蓮一樽各盡十分酒
四老共成三百年北闕音書休憶念西湖風物且留連
杭民夾道焚香看白髮朱顏長壽仙

次韻程給事見寄

美公鈴閣絕纖塵顧我何嘗德被人訟牘自憐無日暇
詩筒翻喜入秋新白頭未許還官政紫詔頻煩慰老臣
一去蓬萊已踰歲夢魂長到十洲春

次韻許遵少卿見寄

頭上有霜添白髮囊中無藥駐朱顏堪驚積歲加衰老
未省何時得退閒淵淨思臨浮石渚喧譁羞對武林山
君恩早賜俞旨下即擁筇裘故里還

次謝許少卿寄卧龍山茶

越芽遠寄入都時酬唱珍誇互見詩紫玉叢中觀雨脚
翠峰頂上摘雲旗吸多思爽都忘寐吟苦更長了不知
想到明年公進用卧龍春色自遲遲

次韻程給事郡齋秋暑

老為鄉郡止偷安自愧仙蹤未易攀八面松陰籠古寺
三秋桂子下靈山良朋寄意詩篇裏高會追歡夢寐間
却憶會稽清曠處樵風朝暮若邪灣

次前人遊鑑湖

湖治誰能繼後塵馬侯祠閣至今存

昔太守馬臻開鑑湖

窮源上

達仙翁并引派傍通吏部園紅旆遍遊僨素志畫橈歸
去近黃昏別懷屈指莽將半况屬鄉州役夢魂

累乞致政詔答未允述懷

自愧孤忠荷聖慈恩榮肯向九天辭于今蒲柳衰殘日
好是雲烟放曠時玉闕累章煩賜詔澌江兩槳蹉歸期
宵征自有高人笑漏盡鐘鳴曉未知

贈別周元忠秀才

吾里推高節行孤諸生師悵是規摹窮經不治五畝宅
教子已為千里駒暫出林泉飛兩槳且陪風月賞西湖
了知富貴儻來物誰向浮雲間有無

平溪堂

亭號休休古退藏
豈如溪上構虛堂
坐邀城市真瀟灑
却謂江湖太渺茫
下筆新題無俗事
搢笏野服是家常
臨流最有清風快
未見故人心已涼

遊鴈蕩將抵溫州寄太守石牧之

霜風雙鬢雪鬢髻
物外尋真頓離兒
子舍若非叨別乘
我車安得到靈巖
碧窺秋瀑心同洗
紅嚼山杞口似饒
多謝賢侯見招意
數貽嘉詠與珍函

次毛維瞻溪庵

退訪雲山遠世塵結庵臺上古溪濱
園基每放爭先手
隱几能安自在身
鷗鷺後前如舊物
龜魚遊泳不疑人
曲肱飲水真賢樂
何用淵明漉酒中

送穆舜賓承議致政還鄉

清脩平日得無慚
學道勤行肯妄談
軒冕諠譁公始悟
林泉瀟灑我先諳
曾憐避弋雲中鴈
每念縵絲甌裏蠶
畫舫西歸時節好
春山如黛水如藍

和沈太博小圃偶作二首

名園雨後百花繁人倚危樓十二干園裏芳菲樓上客
一般情緒怕春寒

日烘薄霧開柔陌風冒遊絲著柳條語燕啼鶯自掠亂
驚人殘夢是春朝

過青泥嶺

老杜休誇蜀道難我聞天險不同山青泥嶺上青雲路
二十年來七往還

和宿峽石寺下

淮岸浮圖半倚天
山僧應已離塵緣
松闌暮鎖無人跡
惟放鐘聲入畫船

賞春亭

滂葩浩艷滿亭隈
當席芳樽醉看來
始信春恩不私物
亂山窮處亦花開

玉泉亭

潺潺朝暮入神清
落澗通池遶郡廳
亂石長松山十里
討源須上玉泉亭

卷七
和范都官行後九日奉寄

湖平風穩送歸航，望隔嚴灘七里長。
更上高峰儘高處，黃花新酒醉重陽。

次韻范師道龍圖

舍車弭蓋爭尋勝，坐石搗泉旋煮茶。
可惜湖山天下好，十分風景屬僧家。

答贛縣錢顓著作移花

令尹憐花意思勤，海棠多種郡園新。
自從兩蜀年年見，

今日欄邊似故人

次韻郁李花

花縣逢春對曉暉
朱朱白白綴繁枝
梅花菊後何須較
好似人生各有時

辛巳青州翫月有懷

中秋去歲中和宴

中和杭
州堂名

表海今朝北海壘

表海青
州亭名

天

上無私是明月
隔淮千里照人來

題郡園亭館

為愛東園四照亭剪開繁木快人情
新秋雨過閒雲卷
十里南山兩眼明

題御愛山


岷峨西列華排東餘縱崢嶸敢競雄
不是當時經御愛
此山還與衆山同

出鴈蕩回望常雲峰

遊遍名山未肯休征車已發尚回眸
高峰亦似多情思
百里依然一探頭

客舟夜雨

朝發溫江上處溪小舟無寐枕頻欹
夜來雨作蓬蔭響
恰似當年赴舉時



宋詩鈔卷七

欽定四庫全書

集部

宋詩鈔卷八

詳校官中書臣賈鉉

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷八

內閣中書舍人吳之振編

梅堯臣宛陵詩鈔

梅堯臣字聖俞人稱宛陵先生宣州宣城人以從父
陰補太廟齋郎歷主簿縣令監稅湖州簽署忠武鎮
安兩軍節度判官初大臣屢薦宜在館閣嘗一召試
賜進士出身餘輒不報嘉祐初學士趙槩等十餘人

列言于朝乃得國子監直講累官至尚書屯田都官
員外郎撰唐載二十六卷多補正乃命編修唐書書
成未奏而卒聖俞少即以能詩名天下求者踵至其
初喜為清麗閒肆平淡久則涵演溪遠間亦琢剝以
出怪巧然氣完力餘益老以勁其應於人者多故辭
非一體非如唐諸子號詩人者僻固而狹陋也在河
南時王晦叔見而歎曰二百年無此作矣賢士大夫
如溫公東坡介甫諸人咸敬重之尤與歐陽文忠公

善世比之韓孟兩公亦頗以自況故貢奎詩云詩還
二百年來作身死三千里外官知己若論歐永叔退
之猶自愧郊寒蓋言詩力也又龔嘯云去浮靡之習
于昆體極弊之際存古淡之道于諸大家未起之先
此所以為梅都官詩也果信

河陽秋夕夢與永叔遊嵩避雨於峻極院賦詩及
覺猶能憶記俄而僕夫自洛來云永叔諸君陪
希溪祠岳因足成短韻

夕寢北窗下青山夢與尋相歡不異昔勝事却疑今風
雨幽林靜雲烟古寺溪

此二句夢中得

攬衣方有感還喜問來

音

希溪惠書言與師魯子聰永叔幾道遊嵩因誦而

韻之

聞君奉宸詔瑞祝疑靈岫山水聊得游志願庶可就豈
無朋從俱況此一二秀方蘄建春陌十刻殘晝漏初經
緱氏嶺古栢尚鬱茂却過轅轅關巨石相撐闢夕齋禮

神祠法袞被藻繡畢事登山椒常服更短後從者十數
人輕齎不為陋是時天清陰力氣勇奔驟雲巖杳虧蔽
花草藏澗竇傍林有珍禽驚聒若避轂盤石暫憩休泓
泉助吞漱上窺玉女窗嶄絕非可構下玩搥衣礧焜耀
金紋透尹子體雄恢攀緣逾習狃歐陽稱壯齡疲軟屢
顛踣競歡相扶持芒屨資踐蹂八仙存故壇三醉孰云
謬鄙哉封祝碑數子昔鐫鏤偶誌一時事曷虞來者詬
絕頂瞰諸峰隘然輕宇宙遙思謝塵煩欲知羣鳥獸韓

公傳石室聞之固已舊當時興稍衰不暇苦尋究東崖
暗壑中釋子持經呪于今二十年飲食同猿狖君子聆
法音充爾溢膚腠嘗期躡屐過吾儕色先愀韻叶遂乖真

諦言茲亦甘自咎中預會幾望涼蟾皓如晝紛紛坐談
謔草草具觴豆清露濕巾裳誰人苦羸瘦便即忘形骸
胡為戀纓綬或疑桂宮近斯語豈狂瞽歸來遊少室峭
崿殊引脰石室迢遞過探訪仍邂逅捫蘿上岑邃仙屋
何廣袤乳水出其間涓涓自成溜凡骨此熏蒸靈真安

可觀霞壁幾千尋四字侔篆籀咸意苔蘚文誠為造化
授標之神清洞民俗未嘗遽忽覺風雨冥無能久瞻扣
忽忽遂宵征勝事皆可復俚歌縱喧譁怪說多駁糅凌
晨闕塞陽追賞顏匪厚窮極四百里寧憚疲左右昨朝
書報予聞甚醉醇酎所嗟遊遠方心焉倍如疚

送河清賈主簿歸任

不遠水雲間悠悠泝鵲還分亭接雞犬舉酒對河山殘
雪依荒磧寒烟入暝灣昔人驚枳歎一併在離顏

卷八
河南張應之東齋

昔我居此時鑿池通竹園池清少游魚林淺無棲羽至
令寒窗風靜送枯荷雨雨歇吏人稀知君獨吟苦

河南王尉西齋

官舍古城隅西齋何寂寂種竹幽趣深開屏翠光滴青
山露南牆落日明東壁危臺起其傍平隰坐可覲歲暮
野田空天高霜隼擊更憐風月時幾弄林間笛

余居御橋南夜聞秋鳥鳴効昌黎體

都城夜半陰雲黑忽聞轉轂聲咿叻嘗憶楚鄉有祆鳥
一身九首如贅疣或時月暗過閭里緩音低語若有求
小兒藏頭婦滅火閉門雞犬不爾留我問楚俗何苦爾
云是鬼車載鬼遊鬼車載鬼奚所及抽人之筋繫車軸
昔聽此言未能信欲訪上天終無由今來中土百物正
安能遂與南方儔上帝因風如可達願令驅逐出九州

僧可貞東歸因謁范蘇州

仲淹

姑蘇臺畔去雲壑付清機野策過寒水山童護衲衣松

門正投宿竹笠帶餘暉誰愛杼山句使君應姓韋

魏屯田知楚州

淮南木葉驚淮上使君行天外高帆出沙頭候吏迎夜潮通廢埭秋月滿孤城正遲文翁化從來楚俗輕

和才叔岸傍古廟

樹老垂纓亂祠荒向水開偶人經雨踏古屋為風摧野鳥棲塵坐漁郎奠竹杯欲傳山鬼曲無奈楚辭哀

新安錢學士以近詩一軸見貺輒成短言用叙單

惆

早事太尉府謬以才見論身作邑中吏日陪丞相尊嵩
山雲外寺伊水渡頭村泉味入香茗松色開清罇題詩
人半醉馬上景已昏歸來屬後乘冠蓋迎國門悠悠失
貧賤冉冉歷涼溫而今處窮僻落莫思舊恩終日自鮮
適終年長不言已覺人事寡惟聞雞犬喧東風有來信
滿幅蘭與蓀溪知故人意遺我滌冥煩一章言晷晷
好如日存何須到雲壑便若游花源一一先造化可以

金匱要略卷八
輕瑤琨成誦今在口願將醒病魂

彼鴛吟

斷木喙雖長不啄栢與松松栢本堅直中心無蠹蟲廣
庭木云美不與松栢比臃腫質性虛朽竭招猛獮主人
赫然怒我愛爾何毀彈射出窮山羣鳥亦相喜啁啾弄
好音自謂得天理哀哉彼鴛禽吻血徒為爾鷹鷂不搏
擊狐兔縱橫起况茲樹腹怠力去宜瀕死

陶者

陶盡門前土屋上無片瓦十指不露泥鱗鱗居大厦

禽言四首

子規

不如歸去春山云暮萬木兮參雲蜀天兮何處人言有翼可歸飛安用空啼向高樹

提壺

提壺蘆沽美酒風為賓樹為友山花繚亂目前開勸爾今朝千萬壽

山鳥

婆餅焦兒不食爾父向何之爾母山頭化為石山頭化石可奈何遂作微禽啼不息

竹鷄

泥滑滑苦竹岡雨蕭蕭馬上郎馬蹄凌兢雨又急此鳥為君應斷腸

弔礦坑惠燈上人

生棲雲際歟沒葬寺傍村破案殘經卷新墳出樹根松

悲隔溪路月照舊山門自昔多詩句而今幾許存

范饒州坐中客語食河豚魚

春洲生荻芽春岸飛楊花河豚當是時貴不數魚鰕其
狀已可怪其毒亦莫加忿腹若封豕怒目猶吳蛙庖煎
苟失所入喉為鏌鋹若此喪軀體何須資齒牙持問南
方人黨護復矜誇皆言美無度誰謂死如麻吾語不能
屈自思空咄嗟退之來潮陽始憚飡籠蛇子厚居柳州
而甘食蝦蟆二物雖可憎性命無舛差斯味曾不比中

藏禍無涯甚美惡亦稱此言誠可嘉

和元興遊春次用其韻

乘閒多遠興信馬與君行
碧樹斜通市清流曲抱城
山花高下色春鳥短長聲
日暮吾廬近還歌空復情

離蕪湖至觀頭橋

江口泊來久菰蒲長舊苗
爭鷁洲鵲鬪遺子浦魚跳
宿岸欣逢戍歸船競趁潮
時時望鄉樹已恨白雲遙

夢故府錢公

故相方來夢分明接座隅只知冠劍是不道死生殊西府
看如舊東山詠久徂遽然興寤歎不覺淚霑鬚

宿州河亭書事

遠泛千里舟暫向郊亭泊觀物趣無窮適情吟有託林
中鷗舅獐席上蠅虎攫雨久草苗盛田蕪瓜蔓弱香粳
稚子慣脫粟家人薄少年都下來聊問時所作新衣尚
穿束舊服變褒博我今貧且賤短褐隨宜著

晚泊觀鬪鷄

舟子抱鷄來雄雄踣高岸側行初取勢俯啄示無憚先
鳴氣益振奮擊心非慙勇頸毛逆張怒目皆裂肝血流
何所爭死鬪欲充玩應當激猛毅豈獨專晨旦勝酒人
自私粒食誰爾喚紉懷彼興魏傍睨當衰漢徒然驅國
衆曾靡救時難羣雄自苦戰九錫邀平亂寶玉歸大姦
干戈託奇算從來小資大聊用一長歎

廟子灣辭

廟子灣風俗云有白龜憑險日為波潮以驚異上下

余過而作辭云

我之東來兮過彼雍丘舟師奏功兮濁水湍流歷長灣
兮勢曲鉤傾高斗折兮若奔虬潛伏怪物兮深幽幽發
作暴漲兮為潮頭土人立祠兮在彼沙洲老木蒼蒼兮
蟬噪啾啾輸卒引絆兮蓬首裸體劇縲囚赤日上煎兮
膠津蹙氣塞咽喉胃盪肩挨同輓牛足進復退不得休
竟持紙幣挂廟陬微風飄揚如喜收我今語神神聽不
何不歸海事陽侯宮魚大龜非爾儔奚必區區此汴溝

驚愚駭俗得羞去就當決何遲留

送馬廷評之餘姚

越鄉知勝楚君去莫辭遙曉日魚蝦市新霜橘柚橋河
流通海道山井應江潮近邑逢鷗鳥先應避畫橈

送張子野秘丞知鹿邑

忽作五年別相逢雙鬢疎不知從此去當見復何如公
秣時為酒晨庖日有魚沛譙風物美聊以樂琴書

依韻和劉敞秀才

安得采虛名師道欲吾廣雖然存術業曾不計少長孔
孟久已亡富貴得亦儻後生不聞義前輩懼為黨退之
昔獨傳力振功不賞舌吻張洪鍾小大扣必響近世復
泯滅務學多忽恍今子誠有志方駕已屢枉自慚懷道
淺所得可下上正如種青松而欲託朽壤典冊皆可尋
聖言皆可仰幸無增我過此語固不爽

送張秀才之淮南

聊為楚客唱一送淮南行出汴遠心喜移舟孤岫橫危

帆將進浦寒霧不分城枚乘舊居處向來秋草生

南隣蕭寺承夜訪別

憶昨偶相親相親如舊友雖言我巷殊正住君家後壁裏射燈光離根分井口來邀食有魚屢過貧無酒明日定但征聊茲酌升斗宵長莫惜醉路遠空回首

讀司馬季主傳贈何山人

長安新雨後九陌少行人同輿有宋賈游市懷隱淪日聞古賢哲必與醫卜隣來過季主室再拜語逡巡矍然

怡辭貌何為居埃塵捧腹乃大笑吾道非爾臻驥慚罷
驢駟鳳豈燕雀親筮占聊助上功利儻及民大夫與博
士登車若喪神令我見何遜始驗太史真順性誨善惡
不離義與仁言孝諭為子言忠諭為臣又得蜀嚴比寧
將日者均京都盛龜筮坐肆如魚鱗噤口不正言唯能
辨冬春鴻冥復所慕安得鷄鶩馴

依韻和子聰見寄

嘗念餞行舟風蟬動去愁獨登孤岸立不見遠帆收及

送故人盡亦嗟歸迹留洛陽君更憶寧復醉危樓

送何遜山人歸蜀

春風入樹綠童稚望柴扉遠壑杜鵑響前山蜀客歸到家逢社燕下馬澣征衣終日自臨水應知已息機

新霽望叟笠山

謝紫微坐中賦

北望直百里我我千仞青斷虹迎日盡飛雨帶龍腥陰壑煙雲畜陽崖草木靈登臨終不厭時許到茲亭

代書寄歐陽永叔四十韻

始謫夷陵日當居建德年一書寃逐客四詠繼稱賢自
謂臨江徼相逢莫我先白醪封畫榼素鯉養泓泉戒吏
收山栗呼童惜沼蓮只期東浦過共醉小溪邊日日占
風勢時時到水堦安知貪挂席不肯暫迴船自爾皆無
定歸歟亦未然指程幾一月沂險歷三千魚鳥都難問
音塵杳莫傳因之走羸僕試與訪南遷比及過牛峽還
聞迎壁田報言雖不獲吉語喜多全我解歸堯闕君移
近漢淵問途曾未遠命駕亦何緣衰野今行矣隆中有

待馬鄉亭瓜接畛風化蟻同羶即欲朋簪盍翻為俗事
牽愛嬰嬌啞啞嗜寢復便便難忝煩為具輪轅豈得前
寄聲勤以謝幸子恕而憐來貺誠為望論情恐未捐嘗
親馬南郡果謁謝臨川遂得窺顏色重忻論簡編聊咨
別後著大出篋中篇問傳輕何學言詩詆鄭箋飄流信
窮厄探討愈精專道舊終忘倦評文欲廢眠寧知主人
貴但見左魚懸所至同風月相歡憶澗瀍清歌嗟在耳
素髮怪侵顛翠堞時登眺芳洲屢泝汧難醒撥醅醲殊

厭落頭鮮坐竹聽啼鳥臨流聒嘒蟬孤亭起歸夢南陌
去揚鞭出餞陪雙旆方斲厯廣鄜始生山吏敬頗釋利
途邇會面辭何吐離膺事已填空餘郡樓望野色際平
煙

雪夜留梁推官飲

晝雪落旋消夜雪寒易積燈清古屋深爐凍殘煙碧為
沽一斗酒暫對千里客酒薄意不淺輕令須重昔重昔
是年華飄飄猶過隙一醉冒風歸平明馬無迹

永叔寄澄心堂紙二幅

昨朝人自東郡來古紙兩軸絨縢開滑如春氷密如繭
把玩驚喜心徘徊蜀牋脆蠹不禁久刻楮薄慢還可咍
書云寄去當實惜慎勿亂與人翦裁江南李氏有國日
百金不許市一枚澄心堂中唯此物靜几鋪寫無塵埃
當時國破何所有帑藏空竭生莓苔但存圖書及此紙
輦大都府非珍瓊于今已踰六十載弃置大屋墻角堆
幅狹不堪作詔命聊備簞使供鸞臺鸞臺天官或好事

持歸祕惜何嫌猜君今轉遺重增愧無君筆札無君才
心煩收拾乏匱櫝日畏瘡裂防嬰孩不忍揮毫徒有思
依依還起子山哀

聞尹師魯赴涇州懔

鐵騎自邉來漢兵皆死戰昨聞衛將軍賢俊多所薦知
君慮不淺永對未央殿天子喜有言軺車因召見籌畫
當冕旒袍魚賜銀齒曰臣豈身謀而邀陞下睹青衫出
二嶠白馬如飛電關山冒風露兒女泣霜霰軍容壯士

多劍藝匹夫街賈誼非俗儒慎無輕寡變

夏日陪提刑彭學士登周襄王故城

聊隨漢使者一上周王城片雨北郊晦殘陽西嶺明野禽呼自別香草問無名誰復黍離詠但興箕頽情

新霽登周王城

行行古城頭歷覽古城下水鳥傍人煙河流隔桑柘秋山豁晴翠野老親時稼民訟今已稀閒登厭官舍

田家

高樹陰柴扉青苔照落暉荷鋤山月上尋徑野煙微老
叟扶童望羸牛帶犢歸燈前飯何有白薤露中肥

田家語

庚辰詔書凡民三丁籍一立校與長號弓箭手用備
不虞主司欲以多媚上急責郡吏郡吏畏不敢辨遂
以屬縣令互搜民口雖老幼不得免上下愁怨天雨
淫淫豈助聖上撫育之意耶因錄田家之言次為文
以俟採詩者云

誰道田家樂春稅秋未足里胥扣我門日夕苦煎促盛
夏流潦多白水高於屋水既害我菽蝗又食我粟前月
詔書來生齒復板錄三丁籍一壯惡使操弓鞬州符令
又嚴老吏持鞭朴搜索雅與艾唯存跛無目田間敢怨
嗟父子各悲哭南畝焉可事買箭賣牛犢愁氣變久雨
鎬缶空無粥盲跛不能耕死亡在遲速我聞誠所慚徒
爾叨君祿却詠歸去來刈薪向溪谷

汝墳貧女

時再點弓手老幼俱集大雨甚寒道死者百餘人自壞河至昆陽老牛跛僵尸

相藉

汝墳貧家女行哭音悽愴自言有老父孤獨無丁壯郡吏來何暴縣官不敢抗督遣勿稽留龍鍾去攜杖勤勤囑四隣幸願相依傍適聞閭里歸問訊疑猶強果然寒雨中僵死壤河上弱質無以託橫尸無以葬生女不如男雖存何所當拊膺呼蒼天生死將奈何

魯山山行

適與野情愜千山高復低好峰隨處改幽徑獨行迷霜

落熊升樹林空鹿飲溪人家在何許雲外一聲雞

疲馬

疲馬不畏鞭暮途知幾千當須量馬力始得君馬全

依韻和永叔子履冬夕小齋聯句見寄

遙知夜相過對語冷無火險辭鬪尖竒凍地抽笋筍吟
成欲寄誰談極唯思我學術窮後先文字少許可敢將
蠡測海有似脂出輟彼餓嘗見憂此病各又果弊駕當
還都重門不須鎖到時春怡怡萬柳枝娜娜定應人折

贈只恐絮已墮行橐且不貧明珠藏百顆

永叔嘗見嘲謂自古詩人

率多寒餓顛困屈原行吟於澤畔蘇武啗雪於海上杜甫凍餒於耒陽李白窮溺於宣城孟郊廬仝栖栖道路以子之才必類數子今二君又自為此態而反有飯顆之誚何耶

仲春同師直至壠山雪中宿穰亭

與子乘羸馬夜投山家宿風雪滿綈裘燈火深竹屋烹雞賴主人吠犬憎倦僕明發到巖前春萸凍雲木

和師直早春雪後五壠道中作

來尋谷口春正值陰雲結日暮冰霰繁宿亭孤飯設侵

晨登壠去始見羣峰列草凍未抽心松枯猶抱節川傍
認飛鷺林上墜殘雪何意待芳菲遲留未堪折

孫主簿惠上黨寺壁胡霈然書墨迹一匣

上黨佛祠何可觀開元瑞物圖高閣入有長廊古壁上
復是名輩題丹牋當時泥用絲作筋意欲千載無剝落
書奇畫妙了不識訛傳墨王能治

平聲

瘡寺僧不惜人搯

取筆畫遂缺如鳥啄後來好事恐磨滅寶刀裁剗泥如
剝取之龕置綠板匣便寶箱楮同美璞拂拭還看體勢

生盤屈蒼虬舞鸞驚在昔不畏屋壁壞今也常恐兒童
撲夫君知我心所重南歸贈以致誠慙此時雖喜落吾
手老大腕硬無由學但當拜貺不敢忘莫為報言曾未
數

寄永興招討夏太尉

代人

寶元元年西夏叛天子命將臨戎行二年孟春果來寇
高奴城下皆氏羌五原偏師急赴敵晝夜不息趨戰場
馬煩人急當勁敵雖持利器安得強二師覆敗乃自取

豈是廊廟謀不臧朝廷人選益經略三幙賢俊務所長
或取李惺備邊策或欲五道出朔方仲夏科民挾弓矢
季冬括驢齋道糧官軍未進復犯塞擐旗殺將何倡狂
遂令士卒愈沮氣欲使乘障膽不張我願助畫跡且遠
側身西望空淒涼庶幾一言可裨益臨風欲寄鳥翼翔
所宜畜銳保城壁轉饋先在通行商守而勿追彼自困
境上未免小斂攘譬如蚊虻嗜膚體實於肌血無大傷
此言雖小可喻遠幸公采用不我忘誠知公慮若裴度

聖上聽用同憲皇當時豈不歷歲月猶且衆鎮未陸梁
況今鷹犬乏雄勇便擬馳騁徒蒼惶且緩須時勵屏卒
終期拉朽功莫當

桓妬妻

昔聞桓司馬娶妾貌甚都其妻南郡主悍妬誰與俱持
刀擁羣婢逕往將必屠妾時在窗前解鬟臨鏡梳鬢髮
雲垂地瑩姿冰照壺妾初見主來綰髻下庭隅歛手語
出處國破家已殂無心來至此豈願奉君娛今日苟見

殺雖死生不殊主乃擲刃前抱持一長吁曰我見猶憐
何況是老奴盛怒反為喜哀矜非始圖嫉忌尚服美傷
哉今亦無

舟次朱家曲寄許下故人

藹藹桑柘岸喧喧鷄犬村晚雲連雨黑秋水帶沙渾稍
聽鄰船語初分異土言雖嗟遠朋友日喜近田園

醉中留別永叔子履

新霜未落汴水淺輕舸唯恐東下遲遠城假得老病馬

一步一跛令人疲到君官舍欲取別君惜我去頻增嘻
便步髯奴呼子履又令開席羅酒卮逡巡陳子果亦至
共坐小室聊伸眉烹鷄庖兔下筋美盤實釘飴栗與梨
蕭蕭細雨作寒色耿耿盡醉安可辭門前有客莫許報
我方劇飲冠憤歌文章或論到淵奧輕重曾不遺毫釐
間以辨謔每絕倒豈顧明日無晨炊六街禁夜猶未去
童僕竊訝吾儕癡談兵究弊又何益萬口不謂儒者知
酒酣耳熱試發泄二子尚乃驚我為露才揚已古來惡

卷舌噤口南方馳江湖秋老鰕鱸熟歸奉甘旨誠其宜
但願音塵寄鳥翼慎勿却效兒女悲

赴雪任君有詩相送仍懷舊賞因次其韻

湖山饒邃處曾省牧之遊鴈落封田濶船過菱渚秋野
煙昏古寺波影動危樓到日尋題墨猶應舊壁留

歲日旅泊家人相與為壽

舟中逢獻歲風雨送餘寒推年增漸老永懷殊鮮歡江
邊無車馬鑑裏對衣冠孺人相慶拜共坐列盃盤盤中

多橘柚未咀齒已酸飲酒復先醉頗覺量不寬岸梅欲
破萼野水微生瀾來者即為新過者故為殘何言昨日
趣乃作去年觀時節未變易人世良可歎

依韻和胡武平懷京下游好

南國易悲愁西風起高樹枯荷復送雨度鴈寧知數欲
問北來音繫書復若故冥飛杳無跡弋者徒有慕況在
白蘋洲而懷石渠署石渠多故人鵲鵲方騫翥鏘鳴尚
可希絳翼何由附主人賴知已未變疇昔顧乘桴豈仲

尼好勇非季路幸依南郡帳不學邯鄲步自守終日愚
都忘向時慮睠戀此江湖親年當喜懼既獲庭闈近又
多山水趣邇來對明月千里猶會晤長橋人絕聲舉酒
逢秋露迥聞孤舟笛煙水在何處俯檻意無涯跳波魚
夜乳頗得真隱情奚須慕巢許思寄梅枝香遠隔蘭溪
渡緘之付好風精爽亦隨去

送劉成伯著作赴弋陽宰

我昨之官來值君為郡掾當年已知名是日纔識面未

久嗟還都始應羣公薦遂除芸省郎出治江上縣縣劇
素所聞其俗到可見水精製盤盂氷瑩產郊甸鳴箏斲
桐梓雕飾雜寶絢有藥化銅鉛方士多伏鍊君令齒尚
壯好學常不倦二者定非惑吾言亦狂狷絃歌將有餘
幸可窮經傳歸來期著書篋楮盈百卷莫學此疎慵無
能守貧賤明朝君當行勉勉自出錢豈無一壺酒豈無
一鼎饌

冬雷

上帝設號令隱其南山下震發固有時曷常事憑怒春
以動含生夏以奮風雨冬其息不用藏在黃厚土我今
來江南歲歷惟建午如何小雪前向曉疑鳴釜蛟虵龜
蟲厄鱗裂口塊吐蝦蟇不食月深窟僵兩股天公豈物
欺若此汨時序或言非天公實乃陰怪主嘗觀古祠畫
牛首椎連鼓黑雲雜狂飈相與為肺腑是不由昊穹安
能順寒暑吾因考厥事復以驗莽鹵市井欺量衡定知
不活汝元惡逆大倫弗加霹靂斧此豈曰無私故予未

所取必恐竊天威似將文法侮焉顧五行錯詎畏萬物
覩欲扣九門陳恨身無鳥羽

冬日陪胡武平游西余精舍

侵晨霜氣嚴溪口水已合鳥榜將進避寒篙旋摧拉遙
看松竹深雪屋藏山衲登臨興都盡薄暮沿清霅

送崔主簿赴睦州清溪

舟輕不畏險逆上子陵灘七里峽天翠千重雲木寒古
祠鳴野鳥亂石激春湍正與高懷愜寧歌行路難

送潘供奉承勛

與君迹熟情已親欲將行邁聊感人舉酒不能效時俗
半辭苦語資立身長大實好帶刀劒曷不往助清邊塵
門戟雖高豈自有當思乃祖為功臣所宜勇躍發奇策
嘉名定體庶得真儻以斯言作狂說乘肥食脆任青春

寄題徐都官新居假山

太湖萬穴古山骨共結峰嵐勢不孤苔徑三層平木末
河流一道接墻隅已知谷口多花藥祗欠林間落狔鼯

誰侍巾幘此遊樂里中遺老肯相呼

依韻和武平別後見寄

溪遠橋危一望遙此馬悽絕府中僚已同鴈鷺依清淺
共看鸞皇上汝寥別岸無端縈細柳迴舟不忍過新橋
醉來事事能生感誰道愁腸酒易銷

過華亭

晴雲噪鶴幾千隻隔水野梅三四株欲問陸機當日宅
而今何處不荒蕪

迴自青龍呈謝師直

共君相別三四年巖巖瘦骨還依然唯髭比舊多且黑
學術久已不可肩嗟余老大無所用白髮冉冉將侵顛
文章自是與時背妻餓兒啼無一錢幸得詩書銷白日
豈顧富貴摩青天而今飲酒亦復少未及再酌腸如煎
前夕與君歡且飲飲纔數盞我已眠鷄鳴犬吠似聒耳
舉頭屋室皆左旋起來整巾不稱意掛帆直走滄海邊
便欲騎鯨去萬里列缺不借霹靂鞭氣沮心衰計欲睡

夢想先到蘋渚前與君無復更留醉醉死誰能如謫仙

青龍海上觀潮

百川倒蹙水欲立不久却迴如鼻吸老魚無守隨上下
閣向滄洲空怨泣推鱗伐肉走千艘骨節專車無大及
幾年養此膏血軀一旦翻為漁者給無情之水誰可憑
將作尋常自輕入何時更看弄潮兒頭戴火盆來就濕

社前

欲社先知雨將歸未見花那能長作客夜夜夢還家

牡丹

洛陽牡丹名品多自謂天下無能過及來江南花亦好
絳紫淺紅如舞娥竹陰水照增顏色春服貼妥裁輕羅
時結游朋去尋玩香吹酒面生紅波粉英不忿付狂蝶
白髮強插成悲歌明年更開余已去風雨摧殘可奈何

觀居寧畫草蟲

古人畫虎鵠尚類狗與鷺今看畫羽蟲形意兩俱足行
者勢若去飛者翻若逐拒者如舉臂鳴者如動復躍者

趨其股顧者注其目乃知造物靈未抵毫端速毗陵多
畫工圖寫空盈輻寧公實神授坐使羣輩伏草根有纖
意醉墨得已熟權豪不可致節行今仍獨

悼亡三首

結髮為夫婦于今十七年相看猶不足何況是長捐我
鬢已多白此身寧久全終當與同穴未死淚漣漣
每出身如夢逢人強意多歸來仍寂寞欲語向誰何窗
冷孤螢入宵長一鴈過世間無最苦精爽此銷磨

從來有脩短豈敢問蒼天見盡人間婦無如美且賢譬
今愚者壽何不假其年忍此連城寶沉埋向九泉

書哀

天既喪我妻又復喪我子兩眼雖未枯片心將欲死雨
落入地中珠沉入海底赴海可見珠掘地可見水唯人
歸泉下萬古知己矣拊膺當問誰憔悴鑑中鬼

偶書寄蘇子美

君詩壯且奇君筆工復妙二者世共寶一得亦難料我

今或盈軸體逸思益峭有如秋空鷹氣壓城崔鷄又如
飲巨鍾一舉不能醕既醕心已醉顛倒視兩曜吾交有
永叔勁正語多要嘗評吾二人放檢不同調其於文字
間苦硬與惡少雖然趣尚殊握手幸相笑

送李殿丞通判處州

拜官將近親不畏千里險泝流上贛水石亂波驚颭舟
人素已諳曲折就迴閃豈虞失便利倚慣憂亦掩昔余
從平流悸夢尚成魔今逢子方去青紵絲新染沙頭有

堠吏喘立板方歛鴻鴈正來翔競看朱服儼

蔡仲謀遺鯽魚十六尾余憶在襄城時獲此魚留
以遲歐陽永叔

昔嘗得圓鯽留待故人食今君遠贈之故人大河北欲
膾無庖人欲寄無鳥翼放之已不活烹煮費薪棘

送蘇子美

勇為江海行風波曾不懼但欲尋名山扁舟無定處南
有鵬若鵝臉有石若鋸毒草見人搖短狐逢影怒不遐

尚苦乖更遠饒瘴霧東土乃濱海蜃鼉仍可怖穀物怪
瑣屑羸蜺固無數鹹腥損齒牙日月復易飫二方既若
此往矣無久駐竟當西北來醉耐炙肥豕夏不厭漿酪
冬不厭雉兔勿言專口腹口腹人所務天台信奇偉石
橋非坦步廬岳趣最幽饑腸看瀑布此致雖為高實亦
難久慕君行聽我言不聽到應悟

寄洪州致仕李國博

湖上悠然度幾春勇拋榮祿遂天真青蒲翠竹圍華屋

白酒黃鷄命里人果下有時乘小駟兒曹方見擁朱輪
田園歲入千鍾美肯似疏家苦畏貧

永叔贈酒

天門多奇醞一斗市錢千貧食尚不足欲飲將何緣豈
能以口腹屈節事豪權閉戶飽於齏作詩湧如泉一日
復一夕醒日常不眠窮臘忽可怪雙壺故人傳呼兒欲
自酌瓦盞無完全其能饔甘脆而况侑天妍却令情懷
惡分與富貴偏收拾不復常排置屋角邊儻逢嘉客至

傾倒相與顛何暇問濃薄但覺窗扉旋誰識我為我賓
主各頽然始得語且橫既醉論益堅曾不究世務閒氣
爭古先畢竟兩未決辨吻空流涎嗟我儒者飲聒耳無
管絃雖云暫歡適終久還愁煎自甘不偶死寧慕金印
懸願頻致此物勿恤瘡檐肩

辛著作知西京永寧

躍馬西畿令家塋在洛陽衣霜寒食雨花發故宮牆冷
淡鳩鳴屋寬閒水滿塘送君悲漸老空憶釣伊魴

正月十五夜出迴

不出只愁感出遊將自寬貴賤依倚匹心復殊不歡漸
老情易厭欲之意先闌却還見兒女不語鼻辛酸去年
與母出學母施朱丹令母歸下泉垢面衣少完念爾各
尚幼藏淚不忍看推燈向壁卧肺腑百憂攢

戲寄師厚生女

生男衆所喜生女衆所醜生男走四鄰生女各張口男
大守詩書女大逐鷄狗何時某氏郎堂上拜媼叟

冬夕會飲聯句

與君數夜飲唯恐酒盡空今我苦欲淺

堯臣

語志難比同

陳編侑歡適

謝景初

間謔何魁雄婢子寒且倦

堯臣

主人哦

不窮燈青屢結花

景初

煎響時鳴蟲穴鼠暗出沒

堯臣

風鴈

高雍容冰霜覆瓦屋

景初

貂狐輸貴翁孤床乏暖質

堯臣

苦

語有淡工咀嚼患小

景初

煨炮驚殼紅落蟾斜入竅

堯臣

遠漏微遞風醉心欺睡魄

景初

細書刺昏瞳叫呀聞爭犬

哮吼厭啼驟撥火亂頰豆附炙雙彎弓乾果硬迸齒

堯臣

寒齏酸滿胸枯蛤擘無肉淡脯燒可饔語必造聖賢樂
已過鼓鐘紙窗幸未曙景初絮被令旋縫凍痺兩股鐵跑

抓雙鬢髻脰冰既懶溺視虱唯欲烘器皿足缺齧捧執

無妖穠兒女寒不寢竟僮僕因欲曹豈無富貴徒笑此

饑寒蹤丈夫固有負道義久已充墨子不黔突齒輩且

得封勉哉梅夫子塞者終自通景初

郡閣閱書投壺和呈相國晏公

較量人世無窮樂羅列平生未見書聊奉投壺祭征虜

休言擊劍馬相如
畫樓晚去聞寒角
縹帙看來落蠹魚
日獲誨言皆舊學
不慚貧賤帶經鋤

和欲雪

雪欲漫天落雲初著地
垂臂鷹過野健走馬上冰
逢公子多論酒騷人自詠
詩都無少年意只卧竹窗
宜

四月二十七日與王正仲飲

我來自楚君自吳
相遇汎波銜舳艫
時時舉酒共笑樂
莫聞罌盎有與無
醉憶曩同吾水叔
倒冠落佩來西都

是時豪快不顧俗留守贈榼少尹俱高吟持去擁鼻學
雅閣付唱纖腰姝山東腐儒漫側目洛下才子爭歸趨
自茲離散二十載不復更有一日娛如今舊友已無幾
歲晚得子欣為徒

月下懷裴如晦宋中道

九陌無人行寒月淨如水洗然天宇空玉井東南起我
馬卧我庭帖帖垂頸耳霜花滿黑鬣安欲致千里我僕
寢我廩相背背兩已夜溪忽驚魘呼若中流矢是時興

我懷顧影行月底唯影與月光舉止無猜毀吾交有裴
宋心意月影比尋常同語默肯問世俗子

同蔡君謨江鄰幾觀宋中道書畫

君謨善書能別書宣獻家藏天下無宣獻既沒二子立
漆匣甲乙收盈厨鍾王真蹟尚可覩歐褚遺墨非因模
開元大厯名流夥一一手澤存有餘行草楷正大小異
點畫勁宛精神殊坐中鄰幾素近視最辨纖悉時驚吁
逡巡蔡侯得所得索研鋪紙纔須臾一掃一幅太快捷

檀溪躍過瘦的盧觀書已畢復觀畫數軸江吳種稻圖
稻苗秧秧水拍拍羣鶩矯翼人荷鋤陂塍高下石籠密
竹樹叅倚荆籬疎大車立輪轉流急小犢欺顧稚子驅
令人頻有故鄉念春事況及蠶桑初虎頭將軍畫列女
二十餘子拖裙裾許穆夫人尤窈窕因誦載馳誠起余
余無書性無田區美人雖見身老癯舉頭事事不稱意
不如倒盡君酒壺

東城送運判馬察院

春風騁巧如剪刀先裁楊柳後杏桃園尖作瓣得疎密
顏色人染燕脂牢黃鸝未鳴鴝欲雨深園靜墅聲噉噉
役徒開汴前日放亦將決水歸河槽都人傾望若焦渴
寒食已近溝已淘何當黃流與雨至雨深一尺水一篙
都水御史亦即喜日夜順疾回輕舸頻年吳楚水苦旱
一稔未足生脂膏吾願取之勿求羨窮鳥困獸易逃
我今出城勤送子沽酒不惜典弊袍數途必向睢陽去
太傅太尹皆英豪試乞二公評我說萬分豈不益一毛

金史卷八
國給民蘇自有暇東園乃可資遊遨

送知和州杜駕部

桐花欲開時羣囀爭哺兒但求黃口飫焉問丹穴饑常
山有四鳥將飛昔已悲中間勿殞逝豈得安其枝一飲
必屢顧每啄必遲遲今朝竟矯翼去向江之湄銜芹不
自食欲遺孤與雌此義實已重莫為衆所嗤世俗多嫌
忌我胡為此詩此詩美孝悌持贈杜挺之

觀何君寶畫

燕馬易畫吳牛難圖馬骨應細牛骨麓馬毛要密牛毛
疎麓疎必辨別細密多模糊乃知戴嵩筆能出韓幹徒
幹馬精神在韁勒嵩牛怒鬪無牽拘昨日何家觀小軸
絹雖破爛色不渝二頭相觸角競倚前脚如跪後脚舒
尾株榻直脊脊蹙筋力寫盡蹄腕殊一勝一敗又苦似
勝者狠逐敗者趨卷窮赤印置小字置字乃是陶尚書
尚書國初人愛畫收幾厨買時不惜金與帛帛載羊車
錢載驢後世兒孫不能保賣入窮市無須臾凡目矜新

不重故千錢酬直皆笑愚四牛遂為何氏有裝背入眼
天下無坐中吾儕趣已異又喜玄女傳兵符此本實稱
閻令畫下筆簡細容顏姝三人鬼狀一牛首八女二十
美丈夫黃帝中間蔭葩蓋霞扇錯珰旌擁朱冠服難知
歲月遠但見儀衛森清都復觀鹿臺獨夫受妲己不笑
何由娛酒池肉林騎行禽剖心斲脰堪悲吁數幅吳王
宴西子綵舟張樂當姑蘇宮娥數百簇高下鬢髻一一
紅芙蓉危峰細浪得平遠前對洞庭傍大湖商紂夫差

可垂誠歷世傳玩叅盤盂雕鷹草木不足記特詠此事
心何如

送少卿張學士知洪州

朱旗畫舸一百尺五月長江水拍天穩去先應望廬岳
暫來誰復見龍泉閣經吏部重為記山識吳王舊鑄錢
往迹可尋軍士少牘書遺逸附青編

觀楊之美畫

天官乘車建朱旗赤旂前亞風卷披二龍緩駕蒼髯垂

印箱傍學文籍隨雙驂推軌如畏遲行從冠服多威儀
水官自有真龍騎兩佐並跨鯨尾螭步趨羣吏怪眼眉
雲生海面無端倪雷部處上相與期人身獸爪負鼓馳
後有同類挾且捷火執電鏡風囊吹青蛇有角魚足髻
上下引導神所施地官既失不可知此畫傳是閻令為
設色鮮潤筆法奇絹理膩滑雞子皮吳生龍王多裂隳
八軸展玩急晨炊李成山水曉景移黃荃花竹崔擁枝
韓幹馬本摸搭時神駿都失存毫釐日高腹枵眼背眵

邂逅獲見何言疲厚謝主翁意不衰他日飽目看無遺

李審言遺酒

大梁美酒斗千錢欲飲常被饑窘煎經時一滴不入口
漱齒費盡華池泉昨日靈昌兵吏至跪壺曾不候報箋
赤泥圻封傾瓦盎母妻共寄婢流涎鄰家葡萄未結子
引蔓垂過高牆巔當街賣杏已黃熟獨堆百顆充盤筵
老年牙疎不喜肉況乃下筋無腥膻空腸易醉忽酩酊
倒頭夢到上帝前賜臣蒼龍跨八月不意正值姮娥眠

無人來顧傍玉兔便取作腊下九天拔毛為筆筆如椽
狂吟一掃一百篇其間長句寄東郡東郡太守終始賢
切莫汲竭滑公井留釀此醕時我傳

送邵郎中知潭州

張鏡疊吹洞庭外緣虎帶刀蠻帥迎且諭漢家綏撫厚
莫言湘守事權輕木奴洲近霜包熟斑竹林昏野鳥鳴
賈誼宅邊寒井在暫留千騎漱餘清

和江鄰幾景德寺避暑

埴蟻不應雨鳴鳶不生風鬱氣若甑炊初陽如火紅
髀膚汗交流脂體膏將鎔龍頭費挹酌犢鼻強遮蒙
常畏俗物來去避青蓮宮廣堂鋪琉璃高簷蔭梧桐
廊壁畫地獄獄具鎔鋸舂鐵城何焰焰鐵牀亦彤彤
誰知炮烙死活間傳自西域黃面翁正類人世苦此
熱聲利役使亡西東京師貴賈幾橡舍窮煎相似聒
欲聾屋頭朝爨作飲食枕底夕艾驅蚊蟲宜爾近巷
江夫子賦詩特壓塵土中

送趙簡議知徐州及

鹿車幾兩馬幾匹軫建朱幡騎馭弓雨過短亭雲斷續
鶯啼高柳路西東呂梁水注千尋險大澤龍歸萬古空
莫問前朝張僕射毬場細草綠蒙蒙

晨起裴吳二直講過門云鳳閣韓舍人物故作詩
哭之

平生交友淚又哭寢門前魯叟不言命楚人空問天月
沉滄海底星隕太微邊莫恨終埋沒文章自可傳

送王察推鎮之鄧州

昔向南陽憶洛陽
秋橙初熟半林黃
車過白水沙痕濶
鴈落鉗盧稻穗長
廢壘漢碑金刻字
古原秦冢石為羊
太平羽檄何曾有
賓主相歡菊薦觴

送李中舍襲之宰南鄭

莫問褒中道路難
襄陽直上幾重灘
蒼煙古柏漢高廟
落日荒茅韓信壇
出水槎頭一絲挂
穿虹雨脚兩橋殘
土風大抵如南國
期會先時俗自安

送石昌言學士

混混拍堤瓜蔓水軒軒銜尾挂檣船使君東下只朝夕
父老走迎無後先古堞秋耕拾銅鏃長淮暴雨入壕蓮
鳴猿舞鶴仍持去不憶承明夜直眠

書南事

大梁國南門驛騎方騰趨波波一何急蠻寇圍番禺番
禺本無備前賴魏大夫大夫築子城今得守以須兵雖
不滿萬閉壁堪指呼老幼轉木石壯健操矛弧廩庫得

以完日月不易圖城中舊無井魏鑿安輓轡魏由飛語
去不使立外郭古稱時有待淺薄皆為紆曲突與爛額
看取報功殊

七月十六日赴庾直有懷

白日落我前明月隨我後流光如有情徘徊上高柳高
柳對寢亭風影亂疎牖我馬卧其傍我僕倦屈肘寂寂
重門扃獨念家中婦乳下兩小兒夜夜啼向母問爺若
箇邊天性已見厚不嗟羈枕孤不愧棲禽偶內有子相

憶外有月相守何似長征人沙塵聽刁斗

飲劉原甫家原甫懷二古錢勸酒其一齊之大刀
長五寸半其一王莽時金錯刀長二寸半

主人勸客飲勸客無天妍欲出古時物先請射以年我
料孔子復久化武庫煙固知陶氏梭飛去風雨天世無
軒轅鏡百怪爭後先復聞豐城劍已入平津淵聊饒二
百載儻有書畫傳嗚呼纔十一便可傾航船探懷發二
寶太公新室錢獨行齊大刀鐮形末環連文存半辨齊

皆有模法圓次觀金錯刀一刀平五千
其大如此精銅不蠹
蝕肉好鉤婉全為君舉酒盡跨馬月娟娟

蔡君謨示古大弩牙

黃銅弩牙金錯花銀闌線齒如排沙上立準度可首括
箭溝三道前直窠其度四寸寸五刻蓋光歷歷無纖差
蔡侯出此問誰得往年客遺來瑯琊瑯琊築城穿厚壤
既獲磨洗爭傳誇莫知歲月孰製作精妙近世應難加
於機高下在分刻令人妄射功仍賒願侯擬之起新法

金史卷八
卷八
勿使邊兵死似麻

寄題周敦美琨瑤洞

仙人采玉驅雄龍列山剖璞青腔空因邃為堂曲為室
石乳溜壁光玲瓏仙歸龍去草樹長蔽翳不復人蹤通
指壘買墅下峰下洗斲務欲險怪窮地鱗鹿跡尚莫到
安問樵老諸牛童古人未得今已得萬景付與由天公
何當歸來斂頭角任從實我生白虹陰溪淺水菖蒲綠
下有蝦蟇雙眼紅及時佐酒斫兩股勿使更入明月中

許生南歸

大盤小盤堆明珠海估眩目迷精麤斗量入貢由掇拾
未必一一疵類無不貢亦自有光價此等固知魚目殊
許生懷文頗所似暫抑安用頻增吁倚門老母應日望
霜前稻熟春紅稈歸來爛炊多釀酒洗蕩幽憤傾盆盂
九卿有命不愁晚朱邑當年是嗇夫

送臨江軍監酒李太博

三江卑濕地北客宦遊稀霧氣多成雨雲蒸易損衣白

醪燒甕美黃雀下田肥未辨殊方語山歌半是非

送晉原喬主簿

太守登車時我病不能出遙期玩海棠度險馬屢叱唯
畏行邁遲惡欲及春日何為愛此花曾非桃李生紅
濃復淺瘦帶脩且密湖傍幾十樹雕盤擁新漆酒傾琉
璃盆月上歡未畢縣官同遠宦簿領無督詰刻意詠芳
菲追補李杜失

送樂職方知泗州

長堤凍柳不堪折窮臘使君單騎行蘇合輕裘霜莫犯
銅牙大弩吏先迎山旁楚賈連檣泊水上禹書寒磬清
試向郡樓東北望煙波千里月臨城

和劉原甫十二月十日試墨

海神不朝雪不作大梁塵土蔽天高道傍牛喘復誰問
佛寺吹螺空唱嚎相公跪香恬且佚陛下減膳心焦勞
因君試墨偶有激勇辭壯筆揮長刀予無奈何亦思飲
飲渴甕甕從鋪槽

十九日出曹門見水牛拽車

只見吳牛事水田只見黃犂負車輓今牽大車同一羣
又與騾驢走長陌印頭濶步塵蒙蒙不似綏耕泥汨汨
一一夜眠頭向南越鳥心腸誰辨白

除夜雪

擊鼓人驅鬼漫天雪送寒臘從今日盡花作舊年看著
樹多還墮隨風積更乾明朝預王會畏濕兩梁冠

送宣州簽判馬屯田兼寄知州邵司勳

寒溪翠拖碧玉帶蒼山晴卧蛻骨龍水邊苦竹抽肥筍
石上老蕨拳紫茸泊船繫纜宿明鏡昭亭廟古攢瘦松
陰風雨電潭心起雲遮北嶺如墨濃田秧浸綠白鷺立
內史出喜嘉賓從昔時謝公來賽神蘭肴作椒金作鍾
聯詩姓何名已失板蠹粉落燕鳥蹤我鄉復傳召南化
磨鏤黑石君亦逢

觀拽龍舟懷裴宋韓李

截春流築沙坻拽龍舟過天池尾矯矯舟岐千夫推

萬鱗隨驚鴻鵠沉魚龜春三月輕服時薄永歆習水嬉
馬特特來者誰魏公子人不窺車轡集其涯邯鄲倡
士交馳銀餅索酒傾玻璃用錢如水贈舞兒却入上苑
看鬪鷄擊毬彈金無不為適聞天子降玉輦當門虎脚
看大旗春風吹花入行幄紅錦百尺爭蛟螭雲蓋迴綵
纜維明年結客觀未遲

答劉原甫

生早多交友常恨曾遇稀每念相笑語昨是今或非重

惜向時游出處苦乖違從今儻有酒莫問梨栗微前夕
呼我飲遣奴來扣扉暗犯風雪往醉脫冠服歸夜來新
霽月清吐萬里輝劉郎戴幅巾江叟披褐衣相過無百
步誰虞竊訶譏三家若循環但知其甘肥

十一日垂拱殿起居聞南捷

二月雪飛雞狗狂錦衣走馬回大梁入奏邕州破蠻賊
絳袍玉座開明堂腰佩金魚服金帶榻前拜跪稱聖皇
一朝嚴氣變和氣初令漏泄飛四方將軍曰青才且武

先斬追撓兵後強從來儒帥空賣舌未到已愁茆葉黃
徘徊嶺下自稱疾詔書切責仍勉當因人成功喜受賞
親戚便擬封侯王昔日苦病今不病銅鼓弃擲無鏢鎗

十五日雪三首

寒令奪春令六花侵百花池塘冰膠薦紫野水澀芹牙擁
柱輕於絮吹墀淨若沙乳禽饑啄木誰悞撥琵琶
新雷奮蛇甲密雪鬪鵝毛正欲裁輕縠重令著弊袍沙
泉流復凍煙萼圻還韜只待鄰醅熟微聲聽酒糟

春風九十日一半已銷磨準擬看花少依稀詠雪多官
車猶載炭抱鵲不離窠向此興都盡戴家誰復過

淘渠

開春溝畎春泥五步掘一塹當塗如壞堤車無行轍馬
無蹊遮截門戶鷄犬迷屈曲措足高復低芒鞋苔滑雨
淒淒老翁夜行無子攜眼昏失脚非有擠明日尋耆爾
瘦妻手提幼女哭嘶嘶金吾司街務欲齊不管人死獸
顛啼

京師逢賣梅花五首

北土只知看杏藥大梁亦復賣梅花此心還似庾開府
不惜金錢買取誇

驛使前時走馬迴北人初識越人梅清香莫把茶蘼比
只欠溪頭月下杯

憶在都君舊國傍馬穿脩竹忽聞香偶將眼趁蝴蝶去
隔水溪溪幾樹芳

曾見竹籬和樹夾高枝斜引過柴扉對門獨木危橋上

少婦髻鬟猶戴歸

此去吾鄉二千里不看素萼兩三年移根種子誰辛苦
上苑偷來值幾錢

送胥平叔寺丞赴洛

單車細馬出虎牢春雲默默百舌豪
穀雨已近花欲盡秉燭夜飲朝坐曹
因君重思昔日歡醉筆狂掃嵩丘高
予今零落二十載縱在各各歎二毛
試採上陽何首烏刮切仍致苦竹刀
俗情相望亦異此競欲折筍籠含桃

送胡公疎之金陵

綠蒲作帆一百尺波浪疾飛輕鳥翮
瓜步山傍夜泊人
石頭城邊舊遊客月如水輪出海來江波千里無物隔
自古有恨洗不盡于今萬事何由白依稀可記鮑家詩
寂寞休尋江令宅楊花正飛鮒魚多食膾舉酒謝河伯
但令甘肥日飽腹誰用麒麟刻青石去舸已快風亦便
寧同步兵哭車軌

送汝陰宰孫寺丞

舩郎唱榜驚尾下潁水落日虵鱗生綠蒲被岸漁網舉
黃鳥啄甚縹車鳴吏無詬租官正來不借魴鱖與吏烹
饋吏人情見里黨官非喜慢知官清

吳冲卿出古飲鼎

精銅作鼎土不蝕地下千年蘚花冪腹空鳳卵留藻文
足立三刀刃微直左耳可執口可斟其上兩柱何對植
從誰發掘歸吳侯來助雅飲歡莫極又荷君家主母賢
翠羽胡琴令奏側絲聲不斷玉箏繁繞樹黃鸝鳴不得

我雖衰叅為之醉玩古樂令人未識

二十四日江鄰幾邀觀三館書畫錄其所見

五月秘府始暴書一日江君來約予世間難有古畫筆
可往共觀臨石渠我時跨馬冒熱去開厨發匣鳴鑰魚
羲獻墨迹十一卷水玉作軸光疏疏最奇小楷樂毅論
永和題尾付官奴又看四本絕品畫戴嵩吳牛望青燕
李成寒林樹半枯黃荃工妙白兔圖不知名姓貌人物
二公對奕旁觀俱黃金錯鏤為投壺粉障復畫一病夫

後有女子執巾裾牀前紅氍毹平圍爐牀上二姝展氍毹
繞牀屏風山有無畫中見畫三重鋪此幅巧甚意思殊
孰真孰假丹青模世事若此還可吁

依韻和原甫月夜獨酌

月下馬蹄休擾擾夜涼蟲響競囀囀一杯獨飲愁何有
孤榻無人膝自搖北斗柄高天漸轉小冠簪冷髮微凋
誰知靜對頽然影竟夕幽懷豈易聊

與蔣秘別二十六年田棐二十年羅拯十年始見

之

我今五十二嘗苦離別煎屈指數離別正去一半年三
君異出處相見有後先蔣最會遇早羅倍晚於田仕宦
比我遲官資居我前此亦漫輕量無限歸荒埏所喜笑
語同各驚顏貌遷髮有霜華侵目有蜘蛛懸有酒易以
醉有美徒用妍醒來念功名病螭希蜿蜒安得有園廬
寬閒近林泉養魚數千頭種薤三四廬餘蔬皆稱此嘉
果值亦然既無俗造請窮冬事高眠困貯白粳稻酒沽

青銅錢飯過引數杯令兒誦嘉篇
仰首看赤日區區隨天旋朝見出
滄海暮見入虞淵畢竟將何窮磨滅
愚與賢億億萬萬載筋骨非玉堅桐
棺三寸厚在昔誰免焉去去欲及時
嗟嗟無由緣

飲劉原甫舍人家同江鄰幾陳和叔
學士觀白鵬孔雀鳬鼎周亞夫印鈿
玉寶赫連勃勃龍雀刀主人鳳皇池
二客天祿閣共來東軒飲高論雜談
謔南籠養白鵬北籠養孔雀素質水
紋纖翠毛金縷薄大誇

鳧柄鼎不比龍頭杓玉印傳條侯字辨亞與惡鈿劍刻
辟邪符寶殊制作末觀赫連刀龍雀鑄銀鐸每出一物
玩必勸衆賓酌又令三雲髻行酒何倬約固非世俗驩
自得閱古樂聖賢泯泯去安有不死藥竟知不免此烏
用強檢縛開目即是今轉目已成昨歸時見月上酒醒
見月落恍然如夢寐前語誠不錯

劉涇州以所得李士衡觀察家號蟾蜍硯其下刻
云天寶八年冬端州刺史李元德靈外石造示

劉原甫原甫方與予飲辨云天寶稱載此稱年
偽也遂作詩予與江鄰幾諸君和之

硯如剗蠶腹如月又若剖瓢萌強發鐫題天寶年造之

刺史李元傳自越剗蠶剖瓢我莫分稱載作年初辨君

君雖能辨猶曰寶

原甫詩云李侯寶硯劉侯得

寶茲偽物吾何云仰

天大笑飲君酒硯真硯偽休開口願封漆匣還與侯請

共江翁獨持守

江詩云劉侯寶此慎勿忘更勿將心逐名轉

次韻和景彝閏臘二十五日省宿

君嘗納史似吳兢又直甘泉馬踏水重臘雪花方漫漫
宿廳書架自層層案頭美酒初溫火簾底微風欲動燈
永夜未眠鐘已發此心閒寂是高僧

次韻和永叔新歲書事見寄

尖風細細欲穿簾殘雪微銷凍結簷
盞裏醇醪無限滿鏡中白髮不知添
妍童喜舞開羅幕小吏愁漸入硯蟾
幸得從公持直筆定應無復歎齏鹽

李廷老祠部寄荊柑子

踏雪衝風馳小吏帶霜連葉寄黃柑
擗包欲咀牙全動舉盞逢衰酒易酣
書尾自題知遠意筆頭親答厭多談
故人莫覓新詩卷都似嵇康七不堪

韻語答永叔內翰

世人作肥字正如論饅頭厚皮雖然佳俗物已可羞字
法歟中絕今將五十秋近日稍稍貴追蹤慕前流曾未
三數人得與古昔儔古人皆能書獨其賢者留後世不
推此但務於書求不知前日工隨紙泯已休顏書苟不

佳世豈不寶收設如楊凝式言且直節脩又苦李廷中
清慎實罕侔乃知愛其書兼取為人優豈書能存久賢
哲人焉度非賢必能此惟賢乃為尤其餘皆泯泯死去
同馬牛太尹歐陽公昨日喜疾瘳信筆寫此語謂可忘
病憂黃昏走小校寄我東郭陬綴之輒成篇聊以助吟
謳

次韻和長文社日禠祀出城

曉日春風已擺條應逢社伯馬蹄驕壇邊宿雨微霜麥

水上殘冰壅過橋，鷺子飛來依約近。
鴈行歸去試教調，北扉西掖多才思。
相與飄飄在沈寥。

次韻和長丈禰祀郊外見寄并呈韓子華

鶉鴝知雨在桑中，雄逐雌飛自不同。
胡粉未生輕蝶白，燕脂先綻野櫻紅。
高樹裏鞦韆月，臘臘牆頭落蕾風。
曉下祠壇多寄咏，衣冠方侍大明宮。

送馬行之都官

昭亭山下送君時，不畏西行劍棧危。
竿馬跨來身更健，

金匱要略卷八
吳船乘去計非遲錢塘湖上尋雲屋巾子峰前種檉離
此趣已高天下士不須功業似鴟夷

次韻和永叔石枕與笛竹簟

溪上枕剖龍卵石斲匠簞製蛇皮紋客從東方一持贈
竹色蒸青石抱雲磨沙斲骨自含潤飽霜弔節無留塵
京師貴豪空有力六月耐此炎蒸劇早風赤日吹熱來
大厦高簷任雕飾頭臚汗匝無富貧雖有頌永論官職
官高職重冰則多日永冰消難更得唯公掃室施枕簟

迎涼自感東方客東方客應非俗昏能使賢人心體適
賢人何以偏伏人天下才名方赫赫我吟困窮不可聽
晝夜蚊蚋蒼蠅聲蠅如遠鷄耳初感蚊若隱雷空際鳴
葛厨頂綻屋蝎墮管席中裂麻經橫平生賦分只煎炒
安有綠玉琉璃清猶勝昔年杜子美老走耒陽牛鬻死
因思楊惲廢時言但願人生行樂爾公今事業在朝廷
去就尤當慎終始待公睡足秋風來去奉高談揮麈尾

次韻和景彝省闈宿齋

書日南宮雨後涼齋嚴官重靜於常庭前闌雀墮還起
欄下秋花落自香看盡雲容天漏碧讀殘書帙卷披黃
九衢塵土莫能到蕭瑟微風禁響廊

次韻和景彝對月

蕭蕭風雨變涼意索索晚雲開斗晴已洗浮埃天外靜
忽生圓月樹頭明草根蟲穴吟來久屋角星河落更清
我愧西垣侍臣比影寒霜髯兩三莖

次韻答吳長丈內翰遺石器八十八件

山工日斲器殊匪事樵牧掘地取雲根剖堅如剖玉食
具與果具待賓良有勗亦將茶具并飽啜時出俗公何
都贈予金多不入目我家固宜之瓦椀居漏屋得此尤
稱窮客來無不足唯應赤脚婢收拾怨常酷夏席堆青蘚
冬盤釘旨蓄竟無梁肉饌甚媿蕭家錄

送番禺杜杆主簿

行識枕榔樹初窺翡翠巢地蒸蠻雨接山潤海雲交訟
少通華語蟲多入腊庖不須思朔雪梅吐臘前梢

次韻和永叔飲余家詠枯菊

今年重陽公欲來旋種中庭已開菊黃金碎翦千萬層
小樹婆婆姿嘉趣足鬢頭挿藥惜光輝酒面浮英愛芬馥
旋種旋摘趁時候相笑相尋不拘束各看華髮已垂顛
豈更少年苔色綠自茲七十有三日公又聯鑣入余屋
階傍猶見舊枯叢根底青芽歎催促但能置酒與公酌
獨欠琵琶彈啄木所歡坐客盡豪英槐上凍鴟偷側目
盤中有肉鷗伺之烏鳥不知啼背曲諸公醉思索筆吟

吾兒暗寫千毫禿明日持詩小吏忙未解宿醒聊和屬
和王景彝正月十四日夜有感

燈光暖熱夜催春天半樓開飲近臣馳道橫頭起山岳
露臺周匝簇車輪隔簾艷色多相照下馬輕豪各競新
我已暮年殊趣嚮濃油一盞按邊身

次韻和永叔雨中寄原甫舍人

賴得春巢鷺未歸高簷終日雨衰衰細籠芳草踏青後
欲打梨花寒食時美景已嗟空過盡名園猶許悞相隨

錦鞍切莫九衢去拍拍一如鵝鴨池

社日曾慎
赴北園

和劉原甫復雨寄永叔

堦下青苔欲染衣晴光纔漏又霏微
衝風鶯子銜泥去隔樹鶉鴒嗔婦歸
乍冷乍陰將禁火自開自掩不關扉
渾身酸削懶能出莫怪與公還往稀

送羅職方知秀州

陸雲嘗誇千里莼便輕羊酪同埃塵
君今得郡正千里已患無羊厭此珍
乃知南北各所樂乘舟不如乘馬惡

水邊不見秦羅敷縱有西施肌肉薄使君事事未稱意
綠水芙蓉定何若

寄懷劉使君敞

昔我從仲父三年在河內春游丹水上花竹弄粉黛人
誇走馬來盡眼看沒背薄暮半醉歸插花紅簇隊使君
今少年時往勸耕耒安行過樹下野杏正破纈何不學
山公酩酊還倒載令人知使君心膽不瑣碎切莫懲婦
翁慷慨臨并代一朝由謗謫雖去民苦愛實計幸不幸

李元伯人二二
卷八
豈較進與退因書寄此懷繩墨老且悔

寄汶上

大第未嘗身一至人猜巧宦我應非彈冠不讀先賢傳
說劍休更短後衣瘦馬青袍三十載故人朱轡幾多違
功名富貴無能取亂石清泉自憶歸

論鳥

百鳥共戴鳳惟欲鳳德昌願鳳得其輔谷爾孰可當百
鳥告爾間惟鳥最靈長乃呼鳥與鵲將致庶鳥康鳥時

來佐鳳署置且非良咸用所附已欲同助翱翔以鷺代
鴻鴈傳書識暄涼鸛鵒代鸚鵡剝舌說語詳禿鶻代老
鶴乘軒事昂藏野鶻代雄雞爪觜稱壇塲雀豹代鸛鵒
搏擊肅秋霜蝙蝠嘗入幕捕蚊夜何忙老鴟啄臭腐飛
飛使游揚鵲鷗與集鵠待以為非常一朝百鳥厭讒鳥
出遠方鳥伎亦止此不敢戀鳳傍養子頗似父又貪噪
豺狼為鳥鳥不伏獸肯為爾戕莫如且飲翮休用苦不
量吉山豈自了人事亦交相

答裴送序意


我欲之許子有贈為我為學勿所偏誠知子心苦愛我
欲我文字無不全居常見我足吟詠乃以述作為不然
始曰子知今則否固亦未能無諭焉我於詩言豈徒爾
因事激風成小篇辭雖淺陋頗剋苦未到二雅未忍捐
安取唐季二三子區區物象磨窮年苦苦著書豈無意
貧希祿廩塵俗牽書辭辯說多碌碌吾敢虛語同後先
唯當稍稍緝銘誌願以直法書諸賢恐子未諭我此意

把筆慨歎臨長川

薛九公期請賦山水字詩

薛公堂懸山水字請我試作山水詩呼童磨墨慰君意
強作安得有好辭昔年曾是杜陵客東城水上橫此碑
字方數尺形勢健豈似取次筆畫為東城父老語於我
推本初自開元時不知當時何所用費功鐫刻為瓌奇
我去長安十載後此石誰輦來京師苑中構殿激流水
暮春脩楔浮酒卮是時詞臣出不意酒半使賦或氣萎

日斜鳴蹕不可駐未就引去加鞭笞脫我幸得預此列
玉階立寫從前其今雖下筆不稱意已書滿幅令君嗤



宋詩鈔卷八